

LA PUNT



Infuormaziuns da la corporaziun evangelica Ardez - Ftan - Guarda




AVUOST, SETTEMBER, OCTOBER 2025



In famiglia ed in cumpagnia: Ascensiun ad Ardez

Davo la predgia d'Ascensiun cun ün battaisem, musica populara e musica d'orgel eschan its in chà da scoula e vain passantà ün di da cumpagnia cun la bella musica da la *Rümligang*, ün gianzar cumünaivel e blers Legos.

Ils pitschens (ed eir ils gronds) han fabrichà tuors e chasas our da Legos cun gronda premura e no vain giodü ils inscunters tanter las generaziuns. Grazcha pel grond sustegn da la società *Ardez in movimaint*, da trais preparandas e da fich blers chi han dat üna man. E grazcha eir a la *Rümligang* per l'imbellimaint musical.



Mumaints specials giodaina eir mincha jada chi ha lö ün Sainin.

«*Il Sainin*» ha nom nos inscunter pels uffants pitschens tanter 0 e 5 ons. Insembel cun ün genituor o la nona o'l bazegner vegnan els a giovar e tadar ün'istorgina – pel solit ün'istorgia our da la Bibla. La tschuetta Tinetta, la lindorna Charli e la mürina Rosa tils bivgnaintan ed han adüna ün fich grond gust da verer a lur pitschens amis ed amias.

Il prossem Sainin ha lö als **26 settember da las 09.30 fin las 11.00 illa chasa cumünala** ad Ardez. *Vé eir tü, no vessan grond plaschair!*





Pels uffants plü gronds daja eir quist utuon la pussibilità da's participar a la predgina chi cumainza davo las vacanzas d'utuon ed ha lö la dumengia a bunura illa biblioteca ad Ardez. Ün cordial invid per tuot ils uffants a partir da 4 ons!

Bleras inspiraziuns per uffants e famiglias as chatta implü sün: farbenspiel.family, üna sporta da las baselgias refuormadas e catolicas.



...ed amo quist...

In mai eschan stats in viadi a Schaffusa. Quai es stat fich bel! Grazcha a Silvia Schlegel per organisar quist viadi ed a tuots chi's han partecipats.

Da cour giavüscha ün bun cumanzamaint da l'on da scoula ed ün bel utuon.

rav. Marianne Strub

Cult divin sülla Chamonna Cler, Ardez

dumengia, ils 10 d'avuost a las 11.00

Il club skiunzs Ardez festagia ils 10 d'avuost «90 ons Chamonna Cler». Perquai ha lö il cult divin da quista dumengia - in lingua rumantscha e cun rav. Marianne Strub – sülla Chamonna Cler.

Pel gianzar ed il trategnimaint musical s'occupa il *club skiunzs Ardez*, e s'allegra sün ün bel di da cumpagnia.

In cas da trid'aura vain la festa sditta gio! Guardar sülla pagina www.ski-ardez.ch



Cult divin a Giarson

dumengia, ils 7 da settember a las 16.00



La Corporaziun Ardez-Ftan-Guarda invida cordialmaing eir quist on ad ün cult divin cumünaivel a Giarson.

Sco üsità daja davo il cult divin ün aperitiv pro la baselgia per pudair star amo ün mumaint da cumpagnia.

Festa da rogaziun federala

dumengia, ils 21 da settember a las 9.30 ad Ardez, a las 11.10 a Ftan ed a las 17.00 a Guarda.

In tuots trais cults divins vain celebrada la Soncha Tschaina e prelet il mandat da la regenza grischuna.



Festa da la racolta e cult divin ecumenic a Guarda

dumengia, ils 28 da settember a las 11.00



Per la Festa da la racolta invidan la corporaziun evangelica e la raspada catolica ad ün cult divin ecumenic cun rav. Marianne Strub e rav. Mathew Charthakuzhiyi a Guarda pro'l Plan dal Növ.

Davo la predgia daja la pussibilità da sezzer insembel e giodair ün past cumünaivel.





Maisas da giantar per tuots e tuottas d'Ardez e Guarda

Las proschas maisas da giantar han lö i'l hotel Alvatern ad Ardez:

- **mardi, ils 5 d'avuost**
- **mardi, ils 2 da settember**
- **mardi, ils 7 d'october**



Annunzchas, fin il plü tard il di avant, piglia incunter Erna Fontana, 081 862 23 50.

Per giasts da Guarda vegn organisà il transport.

Il Sainin

venderdi, ils 26 da settember tanter las 9.30 e las 11.00



A partir da la fin da settember ha darcheu lö il Sainin illa sala cumünala ad Ardez. Tuot ils uffants tanter 0 e 5 ons - accompagnats dad ün creschü – sun cordialmaing invidats da gnir a tadlar ün'istorgia da la Bibla, da chantar, da giovar e da star da cumpagnia.

Per ulteriuras infuormaziuns as poja contactar a rav. Marianne Strub, 081 862 23 61.

La Predgina

La Predgina cumainza eir quist on darcheu davo las vacanzas da scoula d'utuon. Infuormaziuns seguan a temp ütil da las manadras Cilgia Koller ed Annina Mengiardi.



Ulteriuras occurrenzas vegnan publichadas sün nossa pagina d'internet e sün placats.

Dumondas da transport

Per tuot las occurrenzas manzunadas as poja drizzar cun dumondas per transport



- davent da Ftan: Nataglia Blanke, 081 850 22 04 / Cilgia Florineth, 081 864 10 07
- davent d'Ardez: Jon Fadri Tönett, 079 463 94 22 / Daniela Dobler, 081 250 57 52
- davent da Guarda: Not Armon Willy, 079 682 44 58

Concert classic illa baselgia da Guarda

gövgia, il 11 da settember a las 17.00

In occasiun dal «StradivariFest 2025» a Scuol dà il *StradivariQuartett* - co minch'on - ün concert in üna da nossas baselgias. Quist on ha lö lur concert illa baselgia da Guarda.



Bigliets as poja reservar pro'l turissem Engiadina Scuol Zernez, 081 861 88 00

PREAVIS: Radunanza da preventiv e tschernas

marcurdi, ils 5 da november a las 20.00 ad Ardez



La radunanza da preventiv da la corporaziun evangelica Ardez-Ftan-Guarda e la tscherna per ünA caluostrA per Ftan ha lö in **marcurdi, ils 5 da november a las 20.00 ad Ardez.**

L'invid e las tractandas vegnan publichadas a temp ütil.





In aigna chausa:

La corporaziun Ardez-Ftan-Guarda tschercha süls 1. da november 2025 ün caluoster/üna caluostra per la baselgia da Ftan. Id es eir pussibel da far quista lavur in fuorma da "jobsharing" - dimena partir sü ella sün 2 personas – ed i's vegn remunerà tenor la glista da pajas da la baselgia chantunala.

Implü vegn eir tscherchada üna persuna pel consistori chi rapreschainta il cumün da Ftan.

Chi chi ha interess es fich bainvis ed as po gugent annunzchar pro'l president Not Armon Willy, 079 682 44 58 o pro la caluostra actuala, Cilgia Florineth, 081 864 10 07



Absenzas da nossa ravarenda



Dals 6 fin als 13 d'october es nossa ravarenda in vacanzas. Per casualias vegn ella rimplazzada da **rav. Christoph Reutlinger, Tschlin, 081 866 32 63**

Dals 14 fin als 17 d'october es nossa ravarenda sün viadi culs confirmands e las confirmandas. Per casualias vegn ella eir in quist temp rimplazzada da **rav. Christoph Reutlinger, Tschlin, 081 866 32 63**

Casualias in noss cumüns

Battaisems:

Lamine Armon Bott, 13.4.2025, Ardez

Alix Léonore Cerutti, 29.5.2025, Ardez

Lara Peer, 31.5.2025, Ftan

Malia Roner, 5.7.2025, Sur En d'Ardez

Nozzas:

Steivan e Tamara Peer, 31.5.2025, Ftan

Gudench ed Andrina Roner-Thom, 5.7.2025, Sur En d'Ardez

Mortoris:

Jon Peer-Stuppan, 13.4.2025, Ftan

Otmar Cajos-Mendury, 6.5.2025, Ftan

Madlaina Cavelty-Pedotti, 23.5.2025, Ardez

Michel Martinelli, 30.5.2025, Ftan

Jon Steivan Morell-Plouda, 22.6.2025, Ftan



Adressas

Pravenda

Dna. rav. Marianne Strub,

Chasa da pravenda, 7546 Ardez

081 862 23 61

marianne.strub@gr-ref.ch



www.ardez-reformiert.ch



Secretariat

Corporaziun evangelica Ardez-Ftan-Guarda

Secretariat, Arfusch 166, 7546 Ardez

081 860 34 10

secretariat.pravenda@bluewin.ch